

Uunga siunnersuut:

**Meeqjanut suli atualinngitsunut perorsaanikkut inerikkiartuutaasunik ulluunerani
neqeroorutit pillugit Inatsisartut Inatsisaat**

Kapitali 1

Tamakkiisumik aalajangersakkat

Siunertaq

§ 1. Inatsisartut inatsisaat manna tunngavigalugu meeqjanik atualerneqanngitsunik perorsaanermik suliaqarnerit tamarmik meeraq qitiutillugu meeqqamik angajoqqaatut oqartussaassuseqartut, piviusumik pilersuisut meeqqallu attaveqaatai suleqatigalugit ingerlanneqassaaq.

§ 2. Inatsisartut inatsisaanni matumani anguniakkat tulliuttut naammassineqarnissaat siunertaqarpoq:

- 1) Persorsaanermik sulinermi meeqqap atugarissaarnera, ilikkariartornera aamma inooqataanikkut nalinginnaasumillu piginnaasaasa ineriarnerat kiisalu meeqqap atualernissamut piareersimanerata qulakteernissaa pillugit meeqqamut pitsaanerpaaq qulakteerniarneqarpoq.
- 2) Meeqqap takorluuisinnaaneranut, pinngorartitsisinnaaneranut, ineriarneranut pinngortitamullu ataqqinninneranut ummarissaqataasunik meeqqap misigisaqarnissamut sammisaqarnissamullu periarfissinnissaa.
- 3) Meeqqap inoqatiminut ataqqinninnissamik paasinninnissaanik, kulturikkut kinaassutsimik paasinninnermik, kisiannili aamma meeqqap kulturianit allaanerusumik kulturimik paasinninneranik ineriarortsinermik siuarsaneq.
- 4) Paasinninneq, eqqissineq, akaarinninneq, suaassutsit akornanni naligiissitaaneq, inuaassuseq upperisaqarnerlu anersaaralugit inuaqatigiinni kiffaanngissuseqartumi akisussaassuseqartumik inuunissamut meeqqap piareersarnissaa.
- 5) Meeqqap aalajangeeqataasinnaanermik, akisussaaqataanermik oqartussaaqataanermillu paasinninnermik misigisaqarnermillu tuninissaa.
- 6) Neqeroorutit akornanni ikaarsaarnernut meeqqap sapinggisamik pitsaanerpaaamik piareersarneqarnissaa, taamaallilunilu meeqqap ukiuanut naleqquatumik ineriarternissaat siuarsarniarlugu ataqqatigiissumik ataavartumillu pilersitsisoqarnissaa isumagineqassaaq.
- 7) Inooqataanikkut kingornuttakkat pitsaanngitsut peqataatinneqannginnerlu pinaveersaartinneqassapput perorsaanermik neqeroorutit kommunimi meeqqanut nalinginnaasumik ataatsimut neqeroorutaatinnerisigut meeqqanullu immikkut iliuuseqarnissamik pisariaqartitsisunut pinaveersaartitsinernut ikorfartuisumillu iliuuseqarneqarnernut ilaatinnerisigut.

Atuuuffia nassuaatillu

§ 3. Inatsisartut inatsisaat una meeqqanut atualerneqanngitsunut ulluunerani neqeroorutini tamani atuuppoq.

Imm. 2. Meeqqanut ulluunerani persorsaanikkut inerikkiartuutaasumik neqeroorutinut ilaapput angerlarsimaffimmi paarsineq, angerlarsimaffimmi paarsisartut ornittagaat, ulluunerani paaqqinnittarfiit kiisalu sammisassaqtitsinermik neqeroorutit, meeqqanik sullissinermik sammisunik perorsaanermik ingerlatsiviusut. Neqeroorut ulloq naallugu ullaorluunniit ilaannaani neqeroorutaanersoq apeqqutaangilaq.

Imm. 3. Meeqqat atualerneqanngitsut tassaapput 0-6-inik ukiullit, imaluunniit atuartinneqartussaanerup atuutilernissaata tungaanut.

Imm. 4. Inatsisartut inatsisaanni meeqqanut atualerneqanngitsunut, akimmiffiit assigiinngitsut sunniivigeqatigiinnerisigut meeqqat allat assigalugit inuiaqatigiinni tamakkiisumik sunniutilimmillu inooqataasinnaannginnerannik pissutaasinnaasumik inooqataanikkut ajornartorsiuteqarneq, ataavartumik timikkut, tarnikkut, paasinnissinnaanikkut malussarniutitigulluunniit pisinnaasat annikillisimanerat pissutigalugu immikkut ittumik iliuuseqarfingineqarnissamik pisariaqartitsisunut aamma tunngassuteqarpoq.

§ 4. Angerlarsimaffimmi paarsineq tassaavoq, ullup ilaani perorsaanikkut uummarissaataasumik paarineqarnissamut neqeroorut, namminerisamik angerlarsimaffimmi meeqqap najugaqarfinginngisaani imaluunniit pisortat suliffeqarfiutaani ingerlanneqartoq.

Imm. 2. Angerlarsimaffimmi paarsineq kommunimit ingerlanneqartoq tassaavoq angerlarsimaffimmi paarsineq kommunimit pilersinneqarlunilu ingerlanneqartoq, angerlarsimaffimmi paarsisoq kommunimit atorfinitsinneqarlunilu aningaasarsiaqartinneqartoq.

Imm. 3. Angerlarsimaffimmi paarsineq namminersortoq tassaavoq angerlarsimaffimmi nammineq pilersitamik akilerneqarluni ingerlanneqartumik paarsineq. Angerlarsimaffimmi namminersortumik paarsineq kommunip ingerlataanik angerlarsimaffimmi paarsinermut malittarisassat assigalugit ingerlassaaq.

Meeqqat ataasiakkaat pillugit suleqatigiinnej

§ 5. Kommunalbestyrelsimit meeqqat ataasiakkaat attaveqarfisa akornanni ataqtigissakkamik suleqatigiittoqarnissaa qulakkeerneqassaaq. Pisariaqartitsisoqartillugu ingerlatsiviit ataasiakkaat meeqqamik sulinermut toqqaannartumik attuumassuteqartut akornanni inuttalerneqartumik suleqatigiinnik communalbestyrelse pilersitsissaq.

Imm. 2. Suleqatigiit suliassaqarfiiit akornanni imm. 1 naapertorlugu suleqatigiinnersmut atatillugu attaveqarfiiit ataatsimiitinneqartassapput, tamatumani meeqqap angajoqqaatut oqartussaasui imaluunniit piviusumik pilersuisui meeqqamut siusissukkut iliuuseqarnissaaq siunertalarlagu peqataatinneqassallutik.

Imm. 3. Naalakkersuisut suleqatigiinnik pilersitsinermut malittarisassanik aalajangersaassapput.

Kapitali 2

Inissanik innersuussineq

§ 6. Nunami maani angajoqqaat inatsisitigut akuerineqarlutik najugaqartut Inatsisartut inatsisaat manna malillugu ulluunerani neqeroorummi inissamik pisinnaatitaaffeqarput.

§ 7. Meeqanut atualerneqanngitsunut tamanut ulluunerani neqeroorummmik qulakkeerinissaq kommunalbestyrelsip suliassaraa.

§ 8. Kommunalbestyrelse kommunip ulluunerani paaqqinnittarfiinut kommunillu ulluunerani angerlarsimaffimmi paarsisuinut piumasaqaatit kommunimit aalajangersarneqarsimasut malillugit meeqqat utaqqisut allattorsimaffianniittut inissamik innersuussisassaaq.

§ 9. Meeqqat 0-2-nik ukiullit meeraaqquerivinnut kommunimilu ulluunerani angerlarsimaffimmi paarsisunut meeqqallu 3-6-inik ukiullit meeqqerivinnut kommunimilu ulluunerani angerlarsimaffimmi paarsisunut kommunalbestyrelse innersuussisassaaq.

Imm. 2. Kommunalbestyrelse marlunnik ukiulinnik meeqqamut pitsaanerpaamik ineriartorneranullu meeqqanik ataasiakkaanik aalajangersimasunik nalilineq tunngavigalugu meeqqerivimmut innersuussisinnaavoq.

§ 10. Angajoqqaat inatsit una naapertorlugu meeqqamut ataatsimut inissamik ataasimik taamaallaat tunineqarsinnaapput.

Utaqqisunut allattorsimaffik

§ 11. Qinnuteqartut tamarmik inissaqartinneqanngippata utaqqisunut allattorsimaffimmik kommunalbestyrelse pilersitsissaaq.

§ 12. Utaqqisunut allattorsimaffimmi pingarnersiuinissamut piumasaqaatinik kommunalbestyrelse aalajangersaassaaq.

Imm. 2. Meeqqat immikkut pisariaqartitsisut § 3, imm. 4, naapertorlugu salliunneqassapput.

§ 13. Utaqqisunut allattorsimaffimmut piumasaqaatit kommunalbestyrelsip meeqqat inuuusuttullu pillugit politikianni allassimassapput, taakku kikkunnit tamanit pissarsiarineqarsinnaassapput.

Imm. 2. Pingarnersiuinermut piumasaqaatinut malittarisassanik Naalakkersuisut aalajangersaasinnaapput.

Kapitali 3

Ulluunerani paaqqinnittarfiit

§ 14. Ulluunerani paaqqinnittarfiit paaqqinnittarfiupput, meeqyanut eqimattanut sammisumik perorsaanermik ilinniarsimasunik sulisoqartut, illutaat meeqyanut sulisunullu naleqqussagaallutik oqartussasauniillu naapertuuttunit akuerineqarsimallutik.

Imm. 2. Ulluunerani paaqqinnittarfiit meeqyanut arfinilinnut amerlanerusunilluunniit kommuninit ingerlanneqarsinnaapput namminersortuullutilluunniit communalbestyrelsimit ingerlatsinermut isumaqatigiissuteqarfingineqarsinnaasut.

§ 15. Ulluunerani paaqqinnittarfiit 0-2-nik ukiulinnut meeraaqquerivittut, 3-6-inik ukiulinnut meeqquerivittut imaluunniit 0-6-inik ukiulinnut ukiui naapertorlugit avitanut paaqqinniffittut pilersinneqassapput.

Imm. 2. Ulluunerani paaqqinnittarfiit meeqyanut eqimattanut agguarneqassapput, meeqyanut eqimattat tamarmik amerlanerpaamik 20-nik meerartaqassallutik, meeraaqquerivinnilu eqimattat amerlanerpaamik aqqaneq marlunnik meerartaqassallutik.

Imm. 3. Ulluunerani paaqqinniffik suleqatigalugu aalajangersimasumik naliliinera tunngavigalugu imm. 2 naapertorlugu meeqyanut amerlanerpaaffiliinernut immikkut akuersissuteqartoqarsinnaavoq.

Imm. 4. §1 aamma 2 naammassisinnaajumallugu ulluunerani paaqqinnittarfinni inissat qanoq amerlatigisut meeqyanut immikkut pisariaqartitsisunut tunniunneqassanersut pillugit paaqqinnittarfiup innersuussuteqarneratigut communalbestyrelsip imaluunniit ulluunerani paaqqinnittarfimmi namminersortumi siulersuisut aalajangiinerat tunngavigalugu amerlassusilerneqassapput. Meeraq pillugu §5 naapertorlugu suleqatigiinnik pilersitsisoqarsimappat aalajangiinermut atatillugu suleqatigiit peqataatinneqarsinnaapput.

Ulluunerani paaqqinnittarfiit illutaannut piumasagaait

§ 16. Ulluunerani paaqqinnittarfiup atulerseqqaernerani communalbestyrelse ulluuneranik paaqqinnittarfik akuersissaq. Illup allanngortinneqarneranut inissallu qanoq amerlatiginissaannut aalajangiunneqarsimasut allanngortinneqarnerannut atatillugu ulluunerani paaqqinnittarfimmi kingorna allanguutinut communalbestyrelse akuersissaq.

Imm. 2. Ulluunerani paaqqinnittarfiup inatsisit atuuttut naapertorlugit aaqqissorneqarsimanersoq communalbestyrelsimit nakkutigineqassaaq.

Imm. 3. Naalakkersuisut ulluunerani paaqqinnittarfinnik pilersitsinermut aaqqissuussinermullu malittarisassanik aalajangersaassapput.

Ulluunerani paaqqinnittarfiit akuerisaanerannut uppermarsaat

§ 17. Ulluunerani paaqqinnittarfiit tamarmik communalbestyrelsimit tunniunneqarsimasumik akuerisaasimanermut takussutissaqassapput, ulluunerani paaqqinnittarfiup aqutsisuaniit ulluunerani paaqqinnittarfimmi takuneqarsinnaasumut inissinneqarsimasussamik.

Imm. 2. Akuerisaasimanermut uppermarsaat paasissutissanik ukuninnga imaqassaaq:

- 1) Ulluunerani paaqqinnittarfiup aqqa, sumiiffia inissisimaneralu.

- 2) Ulluunerani paaqqinnittarfiup anguniagai meeqqanillu isiginnittaasia.
- 3) Ulluunerani paaqqinnittarfiup aqutsisua.
- 4) Kommunimi ataatsimiititaliaq naapertuttoq imaluunniit ulluunerani paaqqinnittarfiup namminersortup siulersuisui.
- 5) Paaqqinnittarfimmi inissat amerlassusaat.
- 6) Sulisut amerlassusaat.
- 7) Ammasarfiit.
- 8) Oqartussaasunit naapertuuttunit akuersissutit, tamatumani qatserisartoqarnermi oqartussat, sanaartornermut oqartussat aamma communalbestyrelse kiisalu ullulernera ilangullugit.
- 9) Ulluunerani paaqqinnittarfimmi persorsaanikkut ukiumoortumik pilersaarutip sumiinnera inatsisitigullu tunngaviit naapertuuttut pillugit paassisutissat.

Atorfinititsinerit

§ 18. Kommunalbestyrelse innersuussisarnermut ataatsimiititaliamit ulluunerani paaqqinnittarfimmit pineqartumit, angajoqqaat siulersuisuinit ingerlatsivimmillu sinniisulimmik, innersuussuteqartoqareerneratigut ulluunerani paaqqinnittarfimmi kommunip ingerlataani aqutsisumik atorfinititsissaaq. Innersuussisarnermut ataatsimiititaliaq communalbestyrelsimit pilersinnejassaaq.

Imm. 2. Kommunalbestyrelse ulluunerani paaqqinnittarfimmi sulisunik aqutsisunillu atorfinititsinerminut atatillugu, atorfik meeqqanik attaveqarnermik nassataqarpat, meeqqanik pinerliisimannginnermik pinerluuteqarsimannnginnermillu upternarsaamnik piniassaaq, kiisalu pineqartup suliassai eqqarsaatigalugit upternarsaatinik sukumiisumik nalilersuissalluni. Kommunalbestyrelse immikkut pisoqartillugu pinerlussimannginnermut aamma meeqqanik pinerliisimannginnermik upternarsaatinik nutaanik piniarsinnaavoq.

Imm. 3. Ulluunerani paaqqinnittarfimmi aqutsisumik sulisumilluunniit atorfinititsisoqarsinnaanngilaq:

- 1) pinerluuteqarsimannnginnermut upternarsaammi takuneqarsinnaappat, qinnuteqartoq ukiut kingulliit 5-it iluanni kinguaassiutitigut pinerluuteqarsimasutut imaluunniit inunnut navianaatilimmik pinerluuteqarsimasutut eqqartuunneqarsimappat, imaluunniit
- 2) meeqqanut pinerliisimannginnermik upternarsaammi takuneqarsinnaappat, qinnuteqartoq ukiut kingulliit 10-t iluanni kinguaassiutitigut kannguttaatsuliorimasutut imaluunniit inummut navianaatilimmik pinerluuteqarsimasutut eqqartuunneqarsimappat.

Ulluunerani paaqqinnittarfimmi aqutsisoq

§ 19. Ulluunerani paaqqinnittarfimmi aqutsisup ulluunerani paaqqinnittarfiup illersorneqarsinnaasumik inatsisillu atuuttut naapertorlugit ingerlanneqarnissaa perorsaanikkut allaffissornikkullu akisussaaffigaa. Ulluunerani paaqqinnittarfimmi aqutsisup sulisoqarnikkut atugassaritaasut akisussaaffigai.

Imm. 2. Ulluunerani paaqqinnittarfimmi aqutsisup ulluunerani paaqqinnittarfimmi perorsaanikkut ukiumut pilersaarusiornissaq missingersuusiornissarlu akisussaaffigai.

Imm. 3. Ulluunerani paaqqinnittarfifit kommunimit ingerlanneqartut aamma ulluunerani paaqqinnittarfifit namminersortut, ingerlatsinissamut communalbestyrelsimit isumaqatigiissuteqarfingineqarsimasut, communalbestyrelsimit malitassiarineqarsimasut naapertorlugit missingersuusiussapput. Ulluunerani paaqqinnittarfinni sinnerini siulersuisut najoqqutassiaat naapertorlugit missingersuusiussapput.

§ 20. Ulluunerani paaqqinnittarfimmi aqutsisup akisussaaffigaa meeraq pillugu mappimik pappiaqqanik digitalimilluunniit pilersitsillunilu nutarterinissaq, kiisalu meeqqat meeqquerivimmiiittut aqqinik inuullu normuinik, angajoqqaatut oqartussaasut pilersorneqarnerannillu isumaginnittut aqqinik, meeqquerivimmikunnaarpatalu sooq aninerannut pissutaasut pillugit paasissutissanik allattuiffeqarnissaq. Takkuttut nalunaarsorneqartassapput.

Imm. 2. Ulluunerani paaqqinnittarfifit kommuninit ingerlanneqartut aamma ulluunerani paaqqinnittarfifit namminersortut, communalbestyrelsimit ingerlatsinermik isumaqatigiissuteqarfingineqarsimasut, takkuttut nalunaarsorneqarneri persorsaanikkullu ukiumut pilersaarutit communalbestyrelsimit nassutissavaat ullup communalbestyrelsimit killiliunneqarsimasup qaanginnginnerani.

§ 21. Atorfinititsinermik oqartussaasup ulluunerani paaqqinniffiup aqutsisuata allaffissornikkut §§ 18 aamma 19 naapertorlugit suliassaanik isumaginninnginnissaa aalajangersinnaavaa, tamanna ulluunerani paaqqinnittarfifup aaqqissuussaanerani pilersaarusiorneranilu suliassat agguataarneqarsimaneranni illersorneqarsinnaappat, aamma atorfinititsinermik oqartussaasup uppernarsarsinnaappagu perorsaanikkut, allaffissornikkut aqtsinikkullu suliassat naammaginartumik naammassineqartut. Kisianni atorfinititsinermik oqartussaasoq ulluunerani paaqqinnittarfimmi aqutsisup allaffissornikkut suliassaanik isumaginninnginnissaa aalajangersinnaanngilaq, atorfinititsinermik oqartussaasoq § 22, imm. 1 naapertorlugu perorsaanermik ilinniaqarnissamik piumasaqaammit immikkut akuersissuteqarsimappat.

Imm. 2. Ulluunerani paaqqinnittarfimmi aqutsisoq allaffissornikkut suliassanik isumaginninngippat inini sulisut amerlassusissaannut ilaatinneqassaaq.

§ 22. Ulluunerani paaqqinnittarfimmi aqutsisoq perorsasutut ilinniarsimassaqq. Atorfilli perorsasutut ilinniarsimasumit inuttalerneqarsinnaanngippat atorfinititsinermut oqartussaasoq perorsasutut ilinniarsimanissamik piumasaqaammik atortsinnginnissamik immikkut akuersissuteqarsinnaavoq, atorfimmut qinnuteqartoq ilinniakkamik allamik naleqquatumik inuussutissarsiornermiluunniit naleqquatumik misilitakkamik tunuliaqtaqarluni atorfimmut piukkunnaateqarpat.

Imm. 2. Ulluunerani paaqqinnittarfimmi aqutsisoq inini sulisut amerlassusilerneqarnerisa avataanniippoq.

Imm. 3. Ulluunerani paaqqinnittarfinni kommuninit ingerlanneqartuni innersuussuteqarnerata kingorna communalbestyrelse aqutsisumik atorfinititsissaaq, takuuk § 18, imm. 2.

Kommunit ulluunerani paaqqinnittarfiini sulisut amerlassusilerneqarnerat

§ 23. Meeqcat eqimattat tamarmik immikkut sulisoqarnikkut amerlassusilerneqarsimassapput ikinnerpaamik perorsaasumik ataatsimik, perorsaasutut ilinniagalimmik ataatsimik ikiortimillu ataatsimik. Ilinniartut tapersersuisullu sulisut amerlassusilerneqarnerannut ilaatinneqanngillat.

Imm. 2. Kommunalbestyrelse ulluunerani paaqqinnittarfik suleqatigalugu aalajangersimasumik nalileereernermeri sulisut amerlassusilerneqarnerannit utaqqiisaasumik immikkut akuersissuteqarsinnaavoq. Utaqqiisaasumik immikkut akuersissut qaammatit pingasut tikillugit sivisussuseqarsinnaavoq, kingornalu immikkut akuersissummik nalileeeqqittoqassalluni.

Imm. 3. Ulluunerani paaqqinnittarfiup ammasarfiini meeqqani eqimattani tamani sulisut ikinnerpaamik marluussapput, pinerillu tamaasa ulluunerani paaqqinnittarfimmi perorsaasoq ikinnerpaamik ataaseq sulissalluni.

Imm. 4. Ulluunerani paaqqinnittarfimmi sulisut amerlassusilerneqarnerisa saniatigut igaffimmi eqqiaanermillu sulisoqassaaq.

Imm. 5. Kommunalbestyrelse ulluunerani paaqqinnittarfimmi sulisut amerlassusilerneqarnissaat imm. 1-4 naapertorlugit aalajangersaassaaq, aqutsisullu saniatigut atorfinititsinermut najoqqutassiorluni.

Angajoqqaat siulersuisui

§ 24. Kommunalbestyrelse persoraanikkut sulisut, meeqqap angajoqqaatut oqartussaasui pilersorneqarnerinillu isumaginnittut akornanni suleqatigiinneq siuarsarniarlugu ulluunerani paaqqinnittarfimmi angajoqqaat siulersuisuinik pilersitsissaaq.

Imm. 2. Ulluunerani paaqqinnittarfinni kommuninit ingerlanneqartuni tamani ulluunerani paaqqinnittarfiup aqutsisua ukiumut ikinnerpaamik pingasoriarluni angajoqqaat siulersuisuinik ataatsimiigiaqqusissaaq.

Imm. 3. Angajoqqaat siulersuisua suliassaraat:

- 1) ulluunerani paaqqinnittarfimmi sammisassanik suliniutinilluunniit siunnersuuteqarlunilu aaqqissuussineq,
- 2) perorsaanikkut ukiumut pilersaarusoqataaneq,
- 3) perorsaanikkut ukiumut pilersaarutinik ukiumut marloriarlutik malitseqartitsineq kiisalu ulluunerani neqeroorummi meeqqat pisariaqartitaannut naleqqussaaneq, aamma
- 4) illumi aaqqissuussinermik allannguinermillu siunnersuuteqarneq.

Imm. 4. Angajoqqaat siulersuisui ataatsimiinnernit tamanit kingorna imaqarniliortassapput, ataatsimiinnerup kingorna communalbestyrelsimit imaluunniit paaqqinnittarfimmi namminersortumi siulersuisunut tunniunneqartussamik.

Imm. 5. Naalakkersuisut angajoqqaat siulersuisui pillugit malittarisassanik aalajangersaasinnaavoq.

Ulluunerani paaqqinnittarfiiit namminersortut aqunneqarnerat

§ 25. Ulluunerani paaqqinnittarfinni namminersortuni pingaarnertut aqutsisussanik siulersuisunik pilersitsisoqassaaq.

Imm. 2. Ulluunerani paaqqinnittarfinni namminersortuni ulluunerani paaqqinnittarfimmi aqutsisoq ulluunerani paaqqinnittarfiup siulersuisuanit atorfinitssinnejassaaq. Siulersuisut sulisut sinnerinik atorfinitssinermut najoqqutassiussapput.

Kapitali 4

Ulluunerani angerlarsimaffimmi paarsineq

Angerlarsimaffimmi paarsisartunik angerlarsimaffimilu paarsisarfinnik akuersineq

§ 26. Kommunalbestyrelsit angerlarsimaffimmi paarsisartut aamma angerlarsimaffimmi paarsisarfiiit pillugit qinnuteqaatinik allakkatigut akuersereerpata aatsaat angerlarsimaffimmi paarsisartut imaluunniit angerlarsimaffimmi paarsisarfiiit meeqqanik tigusaqarsinnaapput.

Imm. 2. Imm. 1 naapertorlugu akuersinissamut piumasaqaatigineqarpoq, angerlarsimaffimmi paarsisartup timikkut tarnikkullu pisinnaassuseqarnissaa perorsaanikkullu ummarissaataasunik sammisassaqtitsinernik neqerooruteqarnissamut piginnaasaqarnissaa. Angerlarsimaffimmi paarsisartoq taassumallu illoqatigisinnaasai tamarmik peqqissutsimut nalunaarummik qaammatinit pingasunit pisoqaanerungitsumik takutitsisinnaassapput.

Imm. 3. Angerlarsimaffimmi paarsisarfik akuerineqarsinnaangnilaq:

- 1) angerlarsimaffimmi paarsisartup taassumaluunniit inoqutaasa ilaasa pinerlussimannginnermut uppernarsaataanni takuneqarsinnaappat, pineqartoq ukiut kingullit 5-it iluanni ilaqtariissutsip iluani pinerluuteqarsimasutut, kinguaassiutitigut kannguttaatsuliorsimasutut imaluunniit inummut navianaatilimmik pinerluuteqarsimasutut eqartuunneqarsimappat,
- 2) angerlarsimaffimmi paarsisartup taassumaluunniit inoqutaasa ilaasa meeqqanut pinerliisimannginnermik uppernarsaataanni takuneqarsinnaappat, pineqartoq ukiut kingullit 10-t iluanni ilaqtariissutsip iluani pinerluuteqarsimasutut, kinguaassiutitigut kannguttaatsuliorsimasutut imaluunniit inummut navianaatilimmik pinerluuteqarsimasutut eqartuunneqarsimappat, imaluunniit
- 3) angerlarsimaffimmi paarsisarfimmi tuniluuttartumik nappaateqartoqarpat.

Imm. 4. Angerlarsimaffimmi paarsineq pisortat ingerlataanni ingerlanneqarpat imm. 2, immikkoortup aappaa aamma imm. 3 angerlarsimaffimmi paarsisartumut taamaallaat atuutissaaq.

Imm. 5. Angerlarsimaffimmi paarsisartup meeqqamik tigusisinnaanissaanut namminerisamik angerlarsimaffiup pisortalluunniit ingerlataata akuerineqannginnerani illumiaukkat kommunalbestyrelsimit nalilersorneqaqqaassaaq.

Imm. 6. Kommunalbestyrelse naliliippat, angerlarsimaffimmi paarsisartumut angerlarsimaffimilu paarsisarfimmut akuersissummut piumasaqaatit

naammassineqarsinnaajunnaarsimasut, akuersissut utaqqiisaagallartumik atorunnaarsinneqassaaq imaluunniit ingerlaannaq atorunnaarsinneqassaaq.

Angerlarsimaffimi paarsinermik ingerlatsineq

§ 27. Kommunalbestyrelse angerlarsimaffimi paarsisarnissamik qinnuteqartumut meeqqanik suli atualerneqannngitsunik katillugit sisamanik paarsisarnissamik akuersissuteqarsinnaavoq. Angerlarsimaffimi paarsisarfimmi nammineq meerarisat arfinilinnit ukiukinnerusut meeqqallu angerlarsimaffimi paarisartakkat tallimanit amerlanerussanngillat.

Imm. 2. Angerlarsimaffimi paarsisartoq ullunik 14-inik killilerlugu amerlanerusunik paarsaqarsinnaavoq imaluunniit angerlarsimaffimi paarsisartumut taartaalluni.

Imm. 3. Angerlarsimaffimi paarsisartoq qaammatit pingasut iluanni amerlanerpaamik marloriarluni amerlavallaanik paarsaqarsinnaavoq imaluunniit angerlarsimaffimi paarsisartumut allamut taartaalluni.

Kommunit ulluunerani angerlarsimaffinni paarsisartuinut angajoqqaat siulersuisui

§ 28. Angerlarsimaffimi paarsisartuni tamani angerlarsimaffimi paarsisartoq angajoqqaat siulersuisuinik ukiumut ikinnerpaamik pingasoriarluni ataatsimiigiaqqusisassaaq. Angajoqqaat siulersuisui meeqqap angajoqqaatut oqartussaasuunik, pilersorneqarneranik isumaginnittunik aamma angerlarsimaffimi paarsisartumik inuttaqarput. Najugaqarfimmi ataatsimi angerlarsimaffimi paarsisartut arlaqarpata angerlarsimaffimi paarsisartunit tamanit ataatsimut angajoqqaat siulersuisuinik pilersitsisoqarsinnaavoq.

Imm. 2. Angajoqqaat siulersuisuisa suliassaraat:

- 1) meeqqanut, soorlu aamma angajoqqaatut oqartussaasunut imaluunniit pilersuinermik isumaginnittunut tunngatillugu siunertalimmik sulinermut atatillugu angerlarsimaffimi paarsisarfimmi sammisassanik iliuusissanillu siunnersuuteqarlutillu aaqqissuussineq, aamma tassunga ilanngullugu
- 2) meeqqat angerlarsimaffimi paarineqarnermi ulluinnarni atugaannut aalajangersimasunik isumalinnut aalajangiineq.

Imm. 3. Angajoqqaat siulersuisui ataatsimiinnerit tamaasa imaqarniliortassapput, ataatsimiinnerup kingorna communalbestyrelsimit tunniunneqartussamik.

Kapitali 5

Immikkut ittumik sammisassaqartitsineq

§ 29. Kommunalbestyrelse meeqqanut suli atualinngitsunut, ulluunerani paaqqinnittarfimmiinneq imaluunniit angerlarsimaffimi paarineqarneq ajortunut sammisassaqartitsinernik neqerooruteqassaaq. Sammisassaqartitsinermut neqeroorutinut taakkununnga peqataanermut akiliuteqarnissamik piumasaqartoqassanngilaq.

Imm. 2. Sammisassaqartitsinermik neqeroorutit meeqqanut suli atualinngitsunut ullup ilaani

neqeroorutaassapput, inersimasumit meeqqap ineriartorfiani ataatsimi arlalinniluunniit ukiuanut naleqquttumik siunertalersukkamik sammisassaqartitsisumit peqataaffigineqartumik.

Imm. 3. Sammisassaqartitsinermik neqeroorutnik pilersitsinermut aallartitsinermullu ataqatigiissaarismik toqqaanissamut communalbestyrelse pisussaaffeqarpoq. Ataqatigiissaarisoq najukkami peqatigiiffinnik, inunnik isumalluutinik allanillu suliaqartunik naapertuutunik suleqateqassaaq.

Kapitali 6

Ataatsimut aalajangersakkat

Meeqqap inerikkiartornera atugarissaarneralu

§ 30. Ulluunerani neqeroorut meeqqat ataasiakkaat ineriartornerannik atugarissaarnerannillu tamakkiisumik naliliineq aallaavigalugu ataavartumik nalilersuillunilu uppermarsaasiortassaaq ineriartornermillu nassuaasiroluni ukiumut ikinnerpaamik marloriarluni.

Imm. 2. Ineriartornermik nassuaatit angajoqqaatut oqartussaasut, pilersorneqarneranik isumaginnittut naapertuutumillu suliaqartut suleqatigalugit malitseqartinnejartassapput.

Imm. 3. Ulluunerani neqeroorut meeqqap ineriartornerata ingerlaqqinnissaa pillugu suleqatigiinnissaaq siunertaralugu angajoqqaatut oqartussaassusilinnik aamma imaluunniit pilersorneqarneranik isumaginnittunik ukiumut ikinnerpaamik marloriarluni oqaloqateqartarnissamik pisussaaffeqarpoq.

§ 31. Meeqqap ulluunerani neqeroorummit ulluunerani neqeroorummut allamut nuunnerani meeqqap paarineqarneranik pisariaqartitaanillu isumaginninnissamut atorneqartussanik ulluunerani neqeroorummi qimalikkami sulisut ulluunerani neqeroorummi nuuffissami sulisunik suleqateqassapput meerarlu pillugu paassisutissanik naleqquttunik ingerlatitseqqillutik.

Imm. 2. Naalakkersuisut paassisutissanik naleqquttunik ingerlatitseqqinnermi malittarisassanik aalajangersaassapput.

Misissuineq siusissumillu iliuuseqarneq

§ 32. Kommunalbestyrelse meeraq pingasunik ukioqalerpat peqqissusaanik ineriartorneranillu pinngitsoorani misissuissaaq. Misissuineq Naalakkersuisunit ineriartortinneqartut takussutissat, nakkutilliinermut nalilersuinermullu atortut tunngavigalugit ingerlanneqassaaq.

Imm. 2. Misissuineq ilaatigut ukuninga imaqassaaq:

- 1) Timimik aqutsisinnaaneq.
- 2) Inooqataanermi ilisarsisinnaaneq.
- 3) Peqqissutsikkut atukkat.
- 4) Pissusilersorneq ikorfartorneqarnissamik neqerooruteqarnermut pissutissaqartitsisimmaasoq.

5) Ilaqtariit aamma attaveqarfiit.

Imm. 3. Naalakkersuisut meeraq pingasunik ukioqalerpat misissuinissamut siusissukkullu iliuuseqarnissamut malittarisassanik aalajangersaasinnaapput.

§ 33. Kommunalbestyrelse meeraq tallimanik ukioqalerpat atualernissamut piareersimaneranik pinngitsoorani misissuissaaq. Misissuineq Naalakkersuisunit ineriartortinnejartut takussutissat, nakkutilliinermut nalilersuinermullu atortut tunngavigalugit ingerlanneqassaaq.

Imm. 2. Misissuineq ilaatigut ukuningga imaqassaaq:

- 1) Timimik aqutsisinnaaneq.
- 2) Inooqataanermi ilisarsisinnaaneq.
- 3) Peqqissutsikkut atukkat.
- 4) Pissusilersorneq tapersorsorneqarnissamik neqerooruteqarnermut pissutissaqartitsisisinnaasoq.
- 5) Oqaatsit.
- 6) Imminut ikiorsinnaaneq.

Imm. 3. Naalakkersuisut meeraq tallimanik ukioqalerpat misissuinissamut siusissukkullu iliuuseqarnissamut malittarisassanik aalajangersaasinnaapput.

Perorsaanikkut tarnikkullu atukkatigut siunnersuineq

§ 34. Kommunalbestyrelse meeqqamut pitsaanerpaaq qulakkeerniarlugu ulluunerani neqeroorutinut, angajoqqaatut oqartussaasunut meeqqallu pilersorneqarneranik isumaginnittunut perorsaanikkut tarnikkullu atukkatigut siunnersuinermik isumaginnippoq.

§ 35. Naalakkersuisut meeqqat suli atualinngitsut pillugit suliassaqarfimmi perorsaanikkut tarnikkullu atukkatigut ilisimatusarnermik isumaginnippuit.

Ineriartorneq misileraallunilu aaqqiissutit

§ 36. Naalakkersuisut meeqqanut ulluunerani neqeroorutinik nutaanik ineriartortsissapput, tamatumunga ilangullugu meeqqanut ulluunerani neqeroorutit allaanerusut najugaqarfimmi atukanut naleqqussarneqarsimasut.

Imm. 2. Naalakkersuisut ulluunerani neqeroorummi perorsaanikkut sulineq pillugu najoqqutassiussapput.

§ 37. Naalakkersuisut communalbestyrelsip innersuussinera malillugu kommunimi meeqqanut suli atualerneqannngitsunut ulluunerani neqeroorutit pillugit misiliilluni aaqqiissuteqarnissamik akuersissuteqarsinnaapput.

Imm. 2. Kommunimi misiliilluni aaqqiissut sivisunerpaamik ukiuni pingasuni atuussinnaavoq.

Imm. 3. Imm. 1 naapertorlugu kommunimi misiliilluni aaqqiissuteqarnermut atatillugu

kommunalbestyrelse ukiut tamaasa nassuaasiortassaaq Naalakkersuisunut tunniunneqartussamik.

§ 38. Naalakkersuisut communalbestyrelse suleqatigalugu perorsaanikkut allaffissornikkullu pisaatsit atuuttut pitsangorsarnissaat siunertaralu systeminik sakkunillu misiliilluni aaqqiissutinik pilersitsisinnavaavoq.

Imm. 2. Misiliilluni aaqqiinerit sivisunerpaamik ukiuni pingasuni atuussinnaapput. Misiliilluni aaqqiissutit pineqartut sivisunerpaamik ukiut marluk sivitsornejarsinnaapput.

Imm. 3. Imm. 1 naapertorlugu kommunimi misiliilluni aaqqiissutinut atatillugu ukiut tamaasa nassuaasiortoqartassaaq Naalakkersuisunut tunniunneqartussamik.

Kisitsisitigut paasissutissat

§ 39. Kisitsisitigut paasissutissanik suliaqarnissamut atatillugu Naalakkersuisut paasissutissanik noqqaassuteqaraangata communalbestyrelse nassiusisussaatitaavoq.

Imm. 2. Kisitsisitigut paasissutissat assigisaallu qanoq annertutiginissaannut Naalakkersuisut malittarisassanik aalajangersaasinnaapput, imm. 1 naapertorlugu nassiuunneqartussanik, aamma qanoq nalunaarsorneqarlutillu nassiuunneqassanersut.

Tamakkiisumik akisussaaffik

§ 40. Kommunalbestyrelse kommunimi meeqqat inuuusuttullu pillugit politikiliussaaq.

Imm. 2. Kommunalbestyrelse inoqarfintti anginerni minnernilu meeqqanut ulluunerani neqeroorutit akornanni perorsaanikkut isumassarsitsisinnisaq siunertaralugu aalajangersimasumik attaveqarnermik isumaginnissaaq.

Imm. 3. Kommunalbestyrelsip ulluunerani neqeroorutit ataasiakkaat perorsaanikkut ukiumut pilersaarusiornissaat nalilersorneqarnissaallu akisussaaffigaa.

Imm. 4. Kommunalbestyrelsip ulluunerani paaqqinnitarfintti aqutsisumit meeqqat pillugit digitalimik pappiaqqanilluunniit mappit pilersinneqarnissaat nutarterneqartarnissaallu qulakkiissavaa, meeqqap malinnaaffigineqarnissaa assersuutigalugulu meeqqap ilikkariartorneranut, ineriarneranut imaluunniit inooqataanikkut ajornartorsiuteqarneranut immikkut iliuuseqarnissamut pisariaqartitsisoqarnissaanut atatillugu siusissukkut iliuuseqarnissamut tunngaviliinissaq siunertaralugu. Meeqqat pillugit mappit atualernermut atatillugu meeqqap atuarfianut nuunneqassapput.

Nakkutilliineq

§ 41. Naalakkersuisut meeqqanut suli atualerneqanngitsunut perorsaanikkut inerikkiartuutaasunik ulluunerani neqeroorutinik nakkutilliissapput.

§ 42. Kommunalbestyrelse oqartussaasut naleqquttut suleqatigalugit meeqqanut ulluunerani neqeroorutinik tamanik nalinginnaasumik persorsaanikkullu nakkutilliissaaq.

Imm. 2. Ulluunerani neqeroorutinik tamanik nakkutilliineq ukiumut ikinnerpaamik pingasoriarluni ingerlanneqartassaaq, taakkunannga ukiumut ataaseq nalunaaqqaarani nakkutilliinerussalluni.

Imm. 3. Kommunalbestyrelse annertusisamik nakkutilliisinnavaq, ulluunerani neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat ernumassutissaqartutut nalilerneqarpata.

Imm. 4. Kommunalbestyrelse annertusisamik nakkutilliissaaq iliuusissatullu pilersaarusrarluni ulluunerani neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat ernumanartorujussuartut nalilerneqarpata. Annertusisamik nakkutilliineq iliuusissatullu pilersaarusrorneq pissutsit ernumanartorujussuit paasineqarpata ingerlaannaq ingerlanneqassapput.

Imm. 5. Iliuusissatut pilersaarut ulluunerani neqeroorummi aqutsisoq oqaloqatigalugu ingerlanneqassaaq, ulluuneranilu neqeroorummi perorsaanikkut ilikkartitsinissamut avatangiisit pitsaassusaat pissutsilluunniit allat pitsangorsarnissaannut qanoq sulisoqassaneranik, qanorlu malitseqarttsisoqassaneranik nassuaassalluni. Angajoqqaat siulersuisui iliuusissatut pilersaarut pillugu ilisimatinneqassapput oqaaseqaateqarnissamullu periarfissaqassallutik. Angajoqqaat siulersuisuinik ilisimatitsineq angajoqqaallu siulersuisuisa oqaaseqaatigisinjaasaat sukkannerpaaq atorlugu isumagineqassapput.

Imm. 6. Naalakkersuisut kommunalbestyrelsip kommunimi ulluunerani neqeroorutinik tamanik nalinginnaasumik perorsaanikkullu nakkutilliinera pillugu malittarisassanik aalajangersaasinnaapput.

Aningaasaqarneq

§ 43. Ulluunerani paaqqinnittarfinnut, angerlarsimaffinni paarsisunut immikkullu sammisaqartitsinissamik neqeroorutinut Inatsisartut inatsisaat manna naapertorlugu ingerlanneqartunut aningaasartuutit kommuninit akilerneqassapput, taamaattoq takuuk § 44.

Imm. 2. Namminersorlutik Oqartussat ulluunerani paaqqinnittarfiit pilersinnerinut tapiissuteqarsinjaapput.

§ 44. Kommunalbestyrelse kommunimi meeqqat suli atualinngitsut ulluunerani neqeroorutiniinnerinut akileeqqusisinjaavoq. Akiliutissaq aalajangerneqassaaq, kommunimi meeqqanut suli atualinngitsunut ulluunerani neqeroorutinut kommunip aningaasartuutai akiliisussaatitaasullu aningaasaqarnikkut atugarisai imaluunniit atugarisaat tunngavigalugit.

Imm. 2. Meeqqanut suli atualinngitsunut kommunini ulluunerani neqeroorutinik atuinermut akiliisussaatitaaneq meeqqat pilersorneqarneranik isumaginnittumiippoq.

Imm. 3. Naalakkersuisut imm. 1 aamma 2 naapertorlugin, meeqqat meeqqanut suli atualinngitsunut kommunip ulluunerani neqeroorutaaniinnerinut akiliutissat pillugit malittarisassanik aalajangersaasinnaapput, tamatumunnga ilanngullugit isertitanut naleqqussaalerit, akiliutissanik kinguattoortoqartillugu meeqqamik anisitsisinnaaneq, aamma kommunimi meeqqanut ulluunerani neqeroorutinik atorunnaarsitsineq nalunaaruteqartarnerlu.

Naammagittaalliorstinnaaneq

§ 45. Kommunalbestyrelsip aalajangiinerat § 8 aamma § 26 naapertorlugit Isumaginninnermi Naammagittaalliuuteqartarfimmut naammagittaalliorstinnaapput, Isumaginnitoqarfiup aqunneqarnera aaqqissuussaaneralu pillugit Inatsisartut peqqussutaat naapertorlugu.

Imm. 2. Inatsisartut inatsisaanni matumani aalajangersakkat allat malillugit kommunalbestyrelsip aalajangiineri allaffissornikkut oqartussaasumut allamut naammagittaalliuutigineqarsinnaanngillat.

Imm. 3. Malittarisassat Inatsisartut inatsisaannit matumannga tunngavilimmik suliaasut malillugit kommunalbestyrelsip aalajangiineri allaffissornikkut oqartussaasumut allamut naammagittaalliuutigineqarsinnaanngillat.

Atuutilernera

§ 46. Inatsiartut inatsisaat una ulloq 1. januaari 2024 atuutilissaaq.

Imm. 2. Ilutigitillugu Meeqjanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq atorunnaassaaq.

Imm. 3. Imm. 2-mi taaneqartoq Inatsisartut inatsisaat naapertorlugu aalajangersakkat atuutilersinneqarsimasut imaluunniit attanneqartut inatsit una imaluunniit Inatsisartut inatsisaat alla naapertorlugu tunngavilerneqartunik taarserneqarnissaasa atorunnaarsinneqarnissaasaluunniit tungaannut atuutissapput.

Namminersorlutik Oqartussat, ulloq xx.xx 2023

Naalakkersuisut Siulittaasuat